

遠星經

鏡象天

說經考該



館 音 書
省 文 書
州 中 書



說 鏡 鏡

J
17.8
1.1308

慕 望 如 陽

編主五雲王

編初成集書叢

種三他其及說鏡遠

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

藝海珠塵

子部天文奇器類

南匯 吳 省蘭 泉之輯

華亭 徐 朝俊 冠千校

遠鏡說

湯如望纂

如望西洋人明天啓中入中國

自序

人身五司耳目為貴無疑也耳與目又孰為貴乎昔亞
利斯多稱耳司為百學之母謂凡授受以耳學問所以
彌精彌廣也若目司則巴拉多稱為理學之師何者蓋
當其陡與物遇見其然即索其所以然由麤入細由有

之原 一射線不一而遠鏡兼攝乎屈曲以爲斜透
之繇 一視象明而大者繇乎二鏡之合用

次造法用法

一鏡 一筒 一遠近各得其宜 一


避眩便觀

一安放調停 一衰目近視用訣 一

借照作畫

一習用訣 一去垢訣

遠鏡圖并說



遠鏡說

利用計二端

夫遠鏡何昉乎昉於大西洋天文士也其用之利可勝言哉蓋凡人視近與大易視遠與小難遠鏡則無遠近無大小者也約畧言之天象地形不出其照而至若山海之間尤爲備盜之先資補益人世亦大矣柰何忽爲悅目快心之具也今試姑舉一二以概其用

形 弦 上 月 形 四 初 月




一利用於仰觀 計六條

用以觀太陰則見本體有
 凸而明者有凹而暗者蓋
 如山之高處先得日光而
 明也又觀月時試一目用
 鏡一目不用鏡則大小迥
 別焉

用以觀金星則見有消長
 有上弦下弦如月焉其消
 長上下弦變易於一年之


金星消長上

下弦之圖




間亦如月之消長上下弦
 變易於一月之內又見本
 體間或大小不一則驗其
 行動周圍隨太陽者居太
 陽之上其光則滿居太陽
 之下其光則虛本體之大
 小以其居太陽左右之上
 下而別焉
 用以觀太陽之出沒則見
 本體非至圓乃似雞鳥卵

太陽之圖



蓋因塵氣騰空遮蒙恍惚
 使之然也即此可知塵氣騰空高遠幾許
 若卯酉二時併見太陽邊
 體齟齬如鋸齒曰面有浮
 游黑點點大小多寡不一
 相為隱顯隨從必十四日
 方周徑日面而出前點出
 後點入迄無定期竟不解
 其何故也
 用以觀木星則見有四小

木 星 之 圖



星左右隨從護衛木君者
 四星隨木有規則有定期
 又有蝕時則非宿天之星
 明矣欲知其與木近遠幾
 何宜先究其經道圈處合
 下卽驗矣
 用以觀土星則見兩傍有
 兩小星經久漸益近土竟
 合而爲一如卯兩頭有二
 耳焉

土 星 之 圖



用以觀宿天諸星較之平時不啻多數十倍而且界限甚明也即如昴宿數不止於七而有三十多鬼宿中積尸氣觜宿中北星天河中諸小屋皆難見者用鏡則瞭然矣又如尾宿中距星及神宮北斗中開陽及輔星皆難分者用鏡則見相去甚遠焉是宿天諸

積尸氣之圖



觜宿之圖



星借鏡驗之筭之相去幾何絲毫不爽因之而觀察星宿本相星宿所好星宿正度偏度於修歷法尤為切要以上六條是聊述觀天之槩也

一利用於直視計三條

樓臺高處用之則遠見山川江河樹林村落雖人物行動如在目前若陡遇兵革之變無論白日卽深夜借彼火光用之則遠見敵處營帳人馬器械輜重便知其備不備而我得預爲防宜戰宜守或宜安放銃砲功莫大焉

海上用之則數十里外之行舟人但見爲塊然如山石者我能別其船舟何等帆旂何色或爲友伴或爲強徒與夫人數之多寡悉無謬焉

居室中用之則照見諸遠物其體其色活潑潑地各現

本相大西洋有一畫士祕用此法畫種種物像儼然如生舉國奇之以上三條是聊述地海人間之槩也


附分用之利計三端

夫遠鏡者二鏡合之以成器者也其利用既如斯矣乃分之而製造如法則又各利於用焉卽中國所謂眼鏡也試言之

物象從鏡平行入目之

圖


甲近物之象散射鏡面
平行入目



一利於苦近視者用之一條

世有目少好遠游喜遠望者年
 老目衰則不苦視遠物而苦視
 近物不耐三角形射線而耐平
 行射線習性使然耳若用遠鏡
 之中高鏡則物象一點之小散
 射鏡面從鏡平行入目巧合其
 習性視近不勞而自明也然又
 有未嘗好遠遊遠望而平日專
 務平直是視者亦必老至力衰

高鏡視大之圖



甲乙物體射象於鏡面丙丁入眼於戊戊目視
象於丙丁丙丁兩界引長之則至已庚已庚大
乎甲乙此蓋近視者用中高鏡視物必大之故
也


則視物不能斂聚其象象形直
射恍惚不真若用中高鏡則物
形雖小而暗視之自大而顯矣
一利於苦遠視者用之一條
有書生目不去書史視不踰几
席習慣成性喜三角形視近不
耐平行視遠者亦有非繇習慣
但眸子精力不開廣視物象不
得真而滿者是二人者用遠鏡
之中窪鏡則物象從鏡角形入

物象從鏡三角形入目目乃合其習性視物自明矣


之圖

甲遺物之象
三角形入目

平行射鏡面



一分用不如合用之無不利
一條

人有目精全衰視物全暗者則
與無目同天日不能照固非鏡
之所能與力也乃有目精至強
視物至明者用鏡亦反加翳焉
何也吾人睛中有眸張閉自宜
睛底有屈伸如性高窪二
鏡自備目中何以鏡為若二鏡

合用之于遠鏡則不然遠鏡者目明益明象顯益顯實備非常之用者也


原繇計三端

一易象不同而遠鏡獨妙於斜透以爲利用之原計三條


是鏡之妙妙乎能易物象也何謂易象蓋凡物之有形者必發越本象於空明中以射人目若象目交接之間無所阻碍則象從徑線直射入目矣苟如爲他物形所間則本象或斜透其照而易者有之或反映其照而易者有之乃是鏡易象之妙則妙乎有斜透而無反映此

其所以利用也

何謂斜透而易反映而易蓋象與目交而爲物所間槩有二焉一曰不通光之體一曰通光之體不通光之體可借喻鏡面夫鏡有突如球平如案窪如釜之類其面皆能受物象而其體之不通徹皆不能不反映物象反映之象自不能如本象之光明也所謂反映者此也通光之體又分二體一謂物象遇大光明易通徹者比發象元處更光明而形似廣而散焉一謂物象遇次光明難通徹者比發象元處少昏暗而形似斂而聚焉今試以象遇大光明易通徹者言之卽如上圖甲象居孟底



直射乙目乙目可視乙目偏東
 則象不現而目不見碍于盂邊
 也若充水齊邊則象上映於水
 遇空明氣之大光明即邪射而
 象更顯焉甲象更廣散於丙
 丁邊東目視丙邊即視丙象而
 象體似居戊處矣即東目更移
 東向可見象而象體若更浮戊
 上矣是又因象映而然也又如
 舟用篙櫓其半在水視之若曲



焉張斷取魚多半在水視之若
短焉又魚者見魚象浮游水面
而投叉刺之必欲稍下於魚乃
能得魚蓋水氣兩隔恍惚使然
漁夫習之熟知其必然而不知
其所以然耳試以象遇次光明
難通徹者言之卽如上圖甲象
在空明氣盂底無水直射盂底
乙處乙處可視甲象若戊處則
象不射戊不見碍於盂邊也盂

內充水至於丙丁則空明甲象入水稍暗斂聚於丙丁
邊戊視丁邊則明見甲象而象體似居己處矣凡此皆
所謂斜透者也

夫所云間隔物體大光明能廣散物象次光明能斂聚
物象蓋必大與次不同體者也若口眼二鏡亦既同體
矣而亦有廣散斂聚之別則以同體而不同形耳前鏡
形中高類球鏡而通徹焉是卽次光明意也所以照日
光能漸聚大光於一點而且照日生火照第一等星光
能透明於紙上夜借燈光亦能遠照後鏡形中窪類金
鏡而通徹焉是卽大光明意也所以照日光則漸散大

光至於無光而且照日不能生火不能照星不能遠照
正與前鏡相反然照象則甚鮮明也


一射線不一而遠鏡兼攝乎屈曲以爲斜透之繇條

光明之體間隔物象者有正有邪而物象之來有直有
偏以故象直矣而體有未正則象來之線尙多屈曲况
象偏乎體正矣而象有未直則象來之線亦多屈曲况
體邪乎若二鏡照物之時則必皆正者也但物象射線
不能皆直蓋必射線直入鏡之中央方無斜透不然射
線去中或近或遠皆不免屈曲所以皆不能無斜透也

一視象明而大者繇乎二鏡之合用


計二條

前鏡近日照物之全分
前鏡遠日照物之一分



二鏡之性乃相反以相制者也
獨用則偏並用則得中而成器
焉夫遠物發象從平行線入目
則目視遠物亦必須從平行線
視象假若二鏡獨用其一則前
鏡中高而聚象聚象之至則偏
偏則不能平行後鏡中窪而散
象散象之至則亦偏偏亦不能
平行故二鏡合用則前鏡賴有
後鏡自能分而散之得乎平行

後鏡遠目以象之一分
照物之體
後鏡近目以全象照物
之體



線之中而視物自明後鏡賴有
前鏡自能合而聚之得乎平行
線之中而視物明且大也

前鏡視遠去目如法物象每見
其大焉蓋以全鏡之體照物體
之分分則見其大矣若鏡目相
近則雖鏡體得照全象分分不
遺而象則小矣後鏡視遠近目
如法視物每見其大焉蓋以全
象視物之體若鏡目相遠則以

象之一分視物之體而已總之分二鏡而用之則不免昏暗套筒而合用之則彼此相濟視物至大而且明也

造法用法

計八端

造鏡至巧也用鏡至變也取不定之法於一定之中必須面授方得了然若但憑書不無差謬今亦撮其大畧而已

一鏡一條

造法曰用玻璃製一似平非平之圓鏡曰筒口鏡卽前所謂中高鏡所謂前鏡也製一小窪鏡曰靠眼鏡卽前所謂中窪鏡所謂後鏡也須察二鏡之力若何相合若

何長短若何比例若何苟既知其力矣知其合矣長短宜而比例審矣方能聚一物像雖遠而小者形形色色不尖本來也

一筒一條

鏡止於兩筒不止於兩筒筒相套欲長欲短可伸可縮

一遠近各得其宜一條

用法曰鏡筒相宜以視二百步爲定則因之而視數十里視天象視地形無不同之若視二百步以內物形彌近筒鏡彌長遂分伸長物相明亮卽爲限止大要伸縮宜緩而不宜急

一避眩便觀計三條

用以視太陽金星則二者光射明烈故須於近鏡上再加一青綠鏡少禦其烈鏡筒再伸分寸許則光相不眩目力乃精視乃不幻也

視太陽又有兩法一加青綠鏡如上所云一不必加青綠鏡只以筒鏡兩相合宜以前鏡直對太陽以白淨紙一張置眼鏡下遠近如法撮其光射則太陽本體在天在紙絲毫不異若用硬紙尺許中剪空圓形冒靠後鏡上則日光團聚下射紙面四暗中光黑白更顯體相更真矣若遇依稀雲霧天太陽本體居明暗中不用綠鏡

不用硬紙只以平常格式用目視更快也

用以視地形物色前鏡勿對日光以日光照鏡則鏡光與相反昏也

一安放調停

計二條

將鏡置諸本架或倚着實落處使不搖動視鏡止用一目目力乃專光益聚而象益顯也

視欲開廣將鏡床少少那動欲左而左欲右而右欲上而上欲下而下架無不隨者只用螺絲釘寧住宜堅定不移

一衰目短視用訣一條

清目人用此鏡遠視物體更明且大無惑也乃衰目人短視人亦可用蓋筒內後鏡伸長能使易象於前鏡者仍平行線入目縮短能使易象於前鏡者反以廣行線入目一伸一長能稱衰目短視人則巧妙又在伸縮得宜焉又短視人尋常用眼鏡者今用遠鏡仍用本眼鏡照之亦可

一借照作畫一條

室中照鏡畫像全閉門窗務極幽暗或門或窗開一孔大小與前鏡稱取出前鏡置諸孔眼以白淨紙如法對置內室則鏡照諸外像入紙上絲毫不爽撫而畫之西

土所謂物像像物者此也

一習用訣

欲知鏡之能照遠及小與夫晝夜無異則必於平常試驗置書數十步內晝借日光夜借燈光用鏡照之字字可誦比諸几案上更顯而大焉平常習熟臨大用時庶可無疑謬也

一去垢訣 一條

兩鏡或受塵垢勿用手揩摸只以新淨絹帛輕輕拂拭即復光明

曲禮

曲禮第五 禮者天之經也地之義也民之行也

君子居則遷而遷則坐坐則安而安則立立則見而見則聽聽則知而後從

曲禮

曲禮第六 禮者所以定親疏、別貴賤、序尊卑、異同類、明貴賤、等尊卑、

別貴賤、序尊卑、異同類、明貴賤、等尊卑、

別貴賤、序尊卑、異同類、明貴賤、等尊卑、

曲禮

曲禮第七 禮者，節文



星

經

言前古此本
本經有兩讀本
本實難變然其

甘公石申著

本館據漢魏叢書
本影印初編各叢
書僅有此本

星

經

廿公百申卷

星經目錄

卷上

四輔

六甲

鈎陳

天皇

柱下

尚書

內厨

天床

北斗

華蓋

五帝座

御女

天柱

女史

陰德

大理

輔星

內階

文昌

三公

天棓

天槍

傅舍

天厨

天一

大一

天牢

角宿

天理

執法

太陽

相

平道

進賢

天門

天田

周鼎

庫樓

左攝提

右攝提

大角

帝席

亢池

折威

陽門

陣車

亢宿

梗河

騎官

車騎將軍

車騎

西咸

七公

積卒

房宿

平戈

招搖

顛頊

氏宿

鈎鈴

罰

東咸

天乳

貫索

巫官

天福

鍵閉

心宿

天市

候

宦官

斗

宗人

宗正

卷下

屠肆

市樓

斛

女床

帝座

宗星

列肆

東肆

帛度

天紀

天棒

天維

天江

天龜

天魚

神宮

尾宿

箕宿

建星

天弁

狗

狗國

天鶩

鰲

漸臺

輦道

杵

農

斗宿

天泉

織女

牽牛

扶匡

天鷄

河鼓

天桴

九坎

天田

羅堰

女宿

離珠

瓜瓠

璃瑜

虛宿

越

鄭

趙

齊

周

楚

燕

秦

魏

韓

晉

代

司非

司危

司祿

司命

天津

危宿

墳

室宿

奚仲

鉤

車府

哭

泣

造父

蓋屋

虛梁

天壘

敗臼

人星

杵臼

士吏

天錢

臉蛇

天海

雷電

雲雨

霹靂

北落

天剛

八魁

鈇鑕

壁宿

羽林

王良

策

土公

鹿

錄終

星經卷上

漢 甘公石申著 南昌李 溶校

原缺文一張

四輔




四輔四星抱北極樞星主君臣禮儀主政萬機輔弼
佐理萬邦之象輔佐北辰而出入授政也

六甲



六甲六星在華蓋之下扛星之旁主分陰陽而配於
節候出入故在帝座旁所布政教而授農時也

鉤陳



鉤陳六星在五帝下爲後宮大帝正妃又主天子六軍將軍又主三公若星暗人主凶惡之象矣

天皇

天皇大帝一星在鉤陳中央也不記數皆是一星在五帝前坐萬神輔錄圖也其神曰耀魄寶主御羣靈也

柱下

柱下史在北辰東主左右史記過事也

尚書



五尚書在東南維主納言風夜諮謀事也

內廚



內廚二星在西北角主六宮飲食后妃第宴飲厨府也


天床



天床六星在宮門外聽政之前亦主寢宴會讌息床

星傾天子不安失位也。訣曰：火入紫微宮中，天下大亂，帝王失位。

北斗




北斗星謂之七政。天之諸侯亦爲帝車。魁四星爲璇璣杓三星爲玉衡。齊七政。斗爲人君號令之主。出號施令。布政天中。臨制四方。第一名天樞。爲土星。主陽德。亦曰政星也。是太子像。星暗若經七日。則大災。第二名璇。主金刑陰。女主之位。主月及法。若星暗經六

日則月蝕第三名璣主木及禍亦名令星若天子不
愛百姓則暗也第四名權主火爲伐爲天理伐也無
道天子施令不依四時則暗第五名衡主水爲煞助
四時旁煞有罪天子樂淫則暗第六名闔陽主木及
天下倉庫五穀第七名瑤光主金亦爲應星訣曰王
有德至天則斗齊明國昌總暗則國有災起也右斗
中子星少則人多姪亂法令不行木星守貴人繁天
下亂也火星守兵起人主災人不聊生棄宅走奔諸
邑守斗西大饑人相食守斗南五果不成五星入斗

中國易政、又易主大亂也、彗孛入斗中、天下改主、有大戮、先舉兵者咎、後舉兵者昌、其國主大災、甚於彗之禍、右旁守之咎重、細審之所守樞入張一度、去北辰十八度也、衡去極十五度、去辰十一度、

華蓋



華蓋十六星、星在五帝座上、正吉、帝道昌、星傾邪、大凶、扛九星、爲華蓋之柄也、上七星爲庶子之官、若星明、主匡天下、不明、主亂期、八年、國無主也、

五帝座



五帝內座、在華蓋下、覆帝座也、五帝同座也、正色上吉、色變為災凶也、

御女



御女四星、在鉤陳北、主天子八十一御女妃也、后之官、明吉、暗凶也、

天柱



天柱五星、在紫微宮內、近東垣、主建教等二十四氣也、

女史。

女史一星在天柱下史北、掌記禁中傳漏動靜主時要事也。

陰德。


陰德二星以太陰在尚書西、主天下綱紀陰德惠遺周給賑財之事。

大理。

大理二星在宮門內、主刑獄事也、自北極已下五十七星並在紫微宮內外、占曰、彗孛入中宮有異姓王、火


損角第四五六指南第一二指觜二十有九星。

內階



內階六星在文昌北階為明堂頭。

文昌



文昌七星如半月形在北斗魁前天府主營計天下事其六星各有名六司法大理色黃光潤則天下安萬物成青黑及細微多所殘害搖動移處三公被誅

不然皇后崩。文昌與三公攝提軒轅，共爲一體。通占
木土星守之，天下安。火星守，國亂。兵起。金星守，兵大
起。若彗孛流星入之，大將返叛亂也。

三公



三公三星。在斗柄東。和陰陽。齊七政。以教天下人。一
星亾，天下危。二星亡，天下亂。三星亡，天下不治也。

天棓



天棓五星。不用明。明則天下兵起。斧鉞用槍棓。八星
皆以備非常也。入氐一度。去北辰二十八度。

天槍




天槍三星。在北斗柄東。主天鋒武備。在紫微宮右以御也。

傳舍



傳舍九星。在華蓋奚仲北。近天河。主賓客之館。客星守之。兵起。今四方館也。

天廚



天廚六星。在紫微宮東北維。近傅舍北百官廚。今光祿廚像之。星亡。君子賣衣。民人賣妻子。大饑。客守之。大饑荒。

天一 ○

天一星在紫微宮門外右星南。爲天帝之神。主戰鬪。知吉凶。星明吉。暗凶。若離本位而乘斗後。九十日必兵大起也。光明陰陽和也。萬物盛。天子吉。星亡。天下亂。大凶也。

太一 ○

太一星在天一南半度。天帝神王使十六神知風雨水旱兵馬饑饉疾病災害之在其國也。星明吉暗凶。離本位而乘斗者。九十日必兵大起也。太一星入軫十度。去北辰十五度半。太一星去北辰十一度。

天牢



天牢六星在北斗魁下。貴人牢。占與貫索同。主禁忌。慕姦志。火星守入之。人民相食之。應有赦也。

東方七宿三十三星。七十五度。并中外宮輔座等。

角宿



角二星爲天門壽星金星。春夏爲火，秋冬爲水。蒼龍
角也。東方首宿。南左角名天津。蒼色。爲列宿之長。北
右角爲天門。黃色。中間名天關。左主天田，右主天祗。
十三度。八月日在北。南去北辰九十一度。凡日月五
星皆從天關行。此爲黃道。入黃道爲旱。其角南二度
爲太陽道。入陰道爲水。角宿北二度爲陰道。角宿直
指辰。卽是耕種。次爲農官。若明大。王道太平。若暗及
云。角搖動。王者失政。星微小。國弱失政。王道不行。春
日月入角暈者。王失政。日月角中蝕者。其邦不寧。木

星守。七日有赦。忠臣用。火星守。忠臣賢相受誅。繒帛
貴有鬪戰。萬人兵起。期以日。宮中盜賊內亂。火守角
宮道不通。大環遶鉤已者。國大饑。火犯之必戰。火守
左角。太尉死。國危。守右角。五穀不熟。大水災。犯左右
角。羣臣謀戰不成。伏誅。土守內主喜。六十日。國有忿
爭。金守。天下兵大盛。國有爭事。金火合守。太白居後
被軍將殺。水守。王者刑罰急。有水災。疾疫客彗孛入
角色。白者。國有兵起。及大喪。亦軍敗城陷。客守四十
五日。旱五穀焦。風雨不時。蝗蟲起。星流出角門。天子

發使出外從他宿入角門。外國使入中京或爲近臣
殺主戰死。月蝕熒惑。有亂臣在宮非賊而盜。月入天
市及河而暈三重。兵起。天下道斷。軍將失利。

天理



天理四星在北斗杓中。主貴人。宰爲執法官。星不欲
明。明則貴人被罪。

執法



執法四星在太陽首西北。主刑獄之人。又爲刑政之
官。助宣王命。內常侍官也。

太陽。

太陽守在西北。主大臣人備天下不虞事。星明吉暗凶。星移。天下兵起。中國不安之應也。入張十三度。北極四十五度。

相。

相星在北極斗南。總領百司。掌邦教以佐帝王安撫國家。集眾事冢宰之佐。星明吉。暗凶。亡相死。不然流出。太陽入張十三度。去北辰四十五度。相入翼一度。去北辰三十一度。

平道

平道二星。在角間。主路道之官。

進賢

進賢一星。在平道西垣。卿相薦舉逸士學官等之職也。星明賢士用進。暗小人用。

天門

天門二星。在左角南。主天門侍晏應對之所。

天田

天田二星。在角北。主天子畿內地。左對壇界城邑邊。


塞

周鼎



周鼎三星足狀。云鼎足星。在攝提大角西。主神鼎一

庫樓



庫樓星二十九星。庫樓十五柱。十五星。衡四星。在角南軫東。南次器府東。一曰文陣兵車之府。中繁衆則

大兵起。庫中無星。下臣逆謀。兵盡出。天下無安居者。
庫中柱動。兵戈四出。夷狄柱半不具。天子自將半。兵
出。木星守。人饑米貴。西入軫一度。去北辰四十九度。
昏中。西去北辰八十九度。

左攝提

右攝提



攝提六星在角亢東北。主九卿。爲甲兵。據紀綱。建時
節。祚火星守天下。更主金星守。兵起。

大角

大角一星天棟在攝提中主帝座金星宋兵大起月
蝕王者惡忌之入亢三度半去北辰五十九度也

帝席




帝席三星在大角北星暗天下安星不欲明明則王
公凶。

亢池



亢池六星在亢北主度送迎之事。

折威



折威七星。在亢南。主詔獄斬殺。邊將死事。

陽門



陽門二星。在庫樓東北。隘塞外寇盜之事。

陣車



陣車三星。在氐南。主革車兵車。

亢宿



亢四星。各天府。一名天庭。總領四海。各火星。春夏水
秋冬金。暗國內亂弱。大明天下安寧。日月蝕亢。中國
有事。五星犯亢。逆行。君憂失國。大臣不用。木星守。雷

三十日巳上。有赦。年豐。久守其國。米貴。人多疾病。水災。木與火星同。穀不成。人死如草木。水災。火星守。多雨。天下兵盡。返大起。水星守其分。米貴。久守多病。大水災也。土星守。萬物不成。多病。金星守。天下道不通。兵起盜賊。水災傷人。金星行入南上道。五穀傷。赤色。旱。人流走。彗孛犯之。其國兵起。大臣作亂。一年。月暈。圍光。士卒自將。百里不遂。士卒死。


梗河



梗河三星。梗在大角帝座北。主天子錄。又主胡兵。及

喪訣曰梗河云也。相去吉相向兵起。客守。世亂矣。

騎官



騎官二十七星。在氏南。主天子騎虎賁貴諸侯之族子弟。宿衛。天子令三衛之像。星衆。天下安。星少。兵起。五星守之。兵起西北。入北辰一百十五度。

車騎將軍

車騎將軍星。在騎官東南。主車騎將軍之官。

車騎



車騎三星在騎官南。總領車騎行軍之事。


西咸



西咸四星在氏東。主治淫佚。南星入氏五度去北辰

九十三度


七公



七公七星在招搖東。氏北為天相。主三公七政善惡。星明則眾議詳審。星入河中。米貴。人相食。金星守天

下兵起。亂。西星入氐四度，去北辰四十九度。

積卒



前下積卒星十二，在氐東南，星微小吉，如大明及搖動，主朝廷有兵，微小吉，一星亡，兵半出，二星亡，兵大半出，三星亡，兵盡出，五星守，兵起，星西入氐十三度，去北辰一百二十四度。

房宿



房四星名天府，管四方，一名天旗，二名天駟，三名天

龍四名天馬。五名天衡。六爲明堂。是火星春夏水。秋冬火。房爲四表。表三道。日月五星常道也。上第一星名爲右服次將。其名陽環上道。二星名右驂上相。其名中道。三名左服次將。其名下道。四名左驂上相。總四輔。左驂左服云。東方及南方可用兵。右驂右服云。西方北方不可用兵。

平戈

平戈一星。在招搖北。一名臣戈。五星守。兵起。星明動。胡兵起。入氐一度。去北辰四十二度。

招搖

招搖星在梗河北主胡兵芒角動兵革起行入氏二
度去北辰四十一度

顛頊

顛頊二星在折威東南主治獄官拷囚情狀察真僞
也。

氐宿



氐四星為天宿宮一名天根二名天符木星春夏木
秋冬水主皇后妃嬪前二大星正妃後二左右大明

爲臣奉事君寧暗失臣勢動臣出國日月氏中君犯
惡之木星守之后喜守二十日有王者之所行不利
疾則治遲行臣職主守必有諸侯並王火守大臣相
譖逆行而赤色大臣亡久守六十日有大赦火星入
之有賊臣爲亂近期一年遠二年金星守者有兵起
將軍有封爵者火之位水守有大水漂浸宮館萬物
不成水入貴臣憂有獄事客守布帛貴土星守有立
太子久守八十日已上國有兵起彗孛行入氏中後
宮有異兵動不出一百八日內遭水東平月暈圓氏

大將軍殃人多疾病。

鈞鈴

鈞鈴二星主法。去房宿七寸。第一名天健。二名天宮。箭開藏若近。夫妻同心。遠者夫妻不和。大明則羣臣奉職。天下道洽。暗則羣臣亂政。王道不行。日月蝕房中王者亂昏。大臣專權。木星守天下和平。留四十日。五穀豐人安吉。無疾病。天子有令德。期在四月。火星守有兵起。七月有大喪。及赦十日。守大夫災。二十日不去。必臣反。及君子。天子憂亂。王者惡之。天下兵旱。

守止一日、大臣亂、土星守、有妾王亦亂、旱及地動、久
守、其有兵、金守、陪脇君大有土功事、國亂、布帛貴、久
守、人饑易主、火守、姦臣謀王、大臣相譖、暴誅臣佐、天
下乖離、若出房心、中間地動、客守、米貴十倍、日月五
星犯之色青、國憂兵喪、色白、大兵相殺、積尸如邱、彗
孛入房、國危人亂、相殘、流星入房、西行爲枉矢、王殺
忠臣、臣殺主、輔臣亡、遠期三年、常以三月侯房、日月
出表南、大旱喪出表北、災及萬里、兵亂陰雨、若出中
道、太平、許徐潁州、月暈圍房心、災疫凶、五度、九月日

此上去北辰一百四度半。

罰



罰三星在東咸西下西北而列主受金罰贖市布租也。

東咸



東咸四星在房東北主防淫佚木在北守而搖動天子淫佚過度星南入心二度去北辰一百三度也後則不過百八十日遠則不過三年起於宋汴等州。

天乳。

天乳星在氐北主甘露十五度十二中西南星去北
辰九十六度此件屬前項天乳別

貫索



貫索九星在七公前爲賤人牢牢口一星爲門門欲
開開則有赦若赦主人憂若牢門閉及口星入牢中
有自絞死者以五子日夜候之一星亡有喜事二星
亡有爵事三星亡有赦甲庚期八十日丙辛期七十
日戊壬期六十日星入河中人相食若九星總見獄
事煩水星守水災火星守米貴有大星出牢大赦小

星卽小曲恩降慮口舌右星入尾一度去北辰五十
五度也

巫官

巫官二星在房西南主醫巫之職事也

天福

天福三星在房西主鑿駕乘輿之官也

鍵閉

鍵閉星在房東北主管籥星不欲明明則內亂門扉
不禁姦淫至行於女也

心宿



心三星。中天王。前爲太子。後爲庶子。火星也。春夏木
秋冬水。一名大火。二名大辰。三名鶉火。中星明大赤。
爲照天子德行。暗小失常色。爲主微弱。不能自斷。星
不欲直。直則主失計。動搖天子憂。木星守天下安。久
守而絕犯者。臣謀主。大兵起。火星守地動。守二十日。
臣謀主。色黑。主崩之像。土守聖帝出謀臣。天下太平。
有云。國有赦。久守不去。憂賊。天下大旱。有金星守山
崩。四方兵起。久守二十日已上。去心三寸。兵起。鉤戰。

天市垣五十六星在房心北主權衡一名天旗大明則米貴市中星衆則歲實五星入市門則兵起芒角色赤赤氣入大災火守米貴所守坐犯皆當之門左星入尾一度去北辰九十四度也

候


候星在市東主輔臣陰陽法官明則輔臣強小暗輔微弱入箕三度去北辰七十二度

宦官



宦官四星在帝座西南侍帝之傍入尾十二度

斗



斗五星，在官星西南，主稱量度。明斗西後則豐，若斗
 亡仰不熟，入尾十度。

宗人



宗人四星，在宗政東，主司享先人。星動，帝親致憂。

宗正



宗正二星，在帝座東南，主宗正卿大夫。暗室位，室族
 有事。

星經卷下

屠肆



屠肆二星，在帛度北，主屠繁之位也。

市樓



市樓六星，在市門中，主闐闐之司。今市曹官之職。

斛



斛四星，在北斗南，主斛食之事。已上諸星，並在中

也。

女床



女床三星在天紀北主後宮生女事待帝及皇后明則宮人自恣入箕一度去北辰五十三度

帝座



帝座一星在市中神農所貴色明潤天子威令行微小凶亾大惡之入尾十五度去北辰七十一度

宗星



宗二星在候東主宗室爲帝血脉之臣錄呈家親族等級星明則族人有序暗則族有憂

列肆

列肆二星，在斛西北，主貨珍寶金玉等也。

東肆

東肆二星，在宮門門垣左星之西，主市易價直之官。

帛度


帛度二星，在宗星東北，主平量也。

天紀

天紀九星，在貫索東，主九卿萬事綱紀，掌理怨訟。與貫相連有索，即地動。期二年，星不欲明，即天下有怨。

恨生、亡則國政壞、西入尾五度、去北辰五十一度、

天棒



天棒五星、在女床東北、主忿爭刑罰、以禦王難、備非常、明大有憂、微小吉、不用明、火星守、兵起、入箕八度、去北辰十二度、春夏火、秋冬水、主八風之始、一名析木。

天維



天維三星、在尾北斗杓後、若星散、則天下不復合也、

天江



天江四星在尾北主太陰明動大水不禁兵起不具
天下津梁不通南星入尾六度去北辰一百十一度

天龜




天龜六星在尾南漢中主卜吉凶明君臣若火星守
旱澇災入尾十二度去北辰一百四十一度

天魚

天魚一星在尾河中主雲雨理陰陽明河海出天魚
搖暴水災火星守南旱北水

神宮

尾宿



龍尾九星為後宮第一星后次三夫人次九嬪次嬪
 妾一名后族水星也。二風后三天鷄四天狗五太廟
 皆欲明大小相承則宮多子孫傳說一星在尾第二
 星東二寸小者是其星明則輔臣忠政暗則陪臣亂
 邦木星守尾立太子三十日必后族逆兵妾賣權臣亂
 國火星守兵相向大臣憂火與水合守箕尾間名九
 江口必有赦若勝踊折絕者天下亂及早災土星守

口口口口宮有廢黜土入魚鹽貴兵起大將出征木
火金星守淮土客合星入守大亂大臣變易失政水守
入天下水災江河決魚米貴客守賊暴貴客入天下
大饑荒亂人相食疾疫死竄他方不耕織君子貨衣
小人賣妻子日月蝕於尾貴臣中相刑反暈虹蜺背
向尾將相憂亂后有喪彗孛行犯貴臣誅內寵亂政
幽州定冀遼東等之應也

箕宿



箕四星主後別府二十七世婦八十一御女爲相天

子后也。亦爲天漢九江口。主梁在漢邊。金星春夏金
秋冬土箕后動有風。期三日也。前二星爲后也。箕入
河中大饑。人相食。箕前亦名糠星。大明歲豐。小微天
下饑荒。天下無米。木守宮。有口舌。火星守。天下饑。久
守環遶成鉤已。大臣被誅。火守大水災。平溢澤。若十
月守之。大水。米倍饑。土水二星守。萬物不成。饑。久守
兵起。或米貴。或赦。金星入守。兵起。有赦。更主。久守風
旱。防內亂。兵起。攻攻。水星守。穀不豐。入大人憂。客守。
天下大饑。米貴十倍。人相食。流亡他邑。不耕織。色赤。


大風雨亂。客在南旱。計日月五星入之中。天下兵起。滄洲洛陽。平兎廣陵等應之也。

建星



建六星。在南斗北。天之都關。三光道也。主司七耀行得失。十一月甲子冬至。大應治政之宿所起也。木星守。水災。米貴。多病。金星守。萬物不成。久惡等守。惡。水星守。人饑。西星入斗七度。去北辰一百十三度。

天弁



天弁九星。在建北近河。為市官之長。暗凶無萬物。明大萬物興眾。主市易也。

狗



狗二星。在斗魁前。主卿臣。移處。卿臣為亂。

狗國



狗國四星。在建東南。主鮮甲烏丸。明邊兵起也。

天籥



天籥七星。在斗杓第二星西。主鎖籥開閉。明吉。暗凶。

天

鰲



天鰲十五星。在斗南。主太陰水蟲。不在漢中。有水火災。白衣食星。大人喪。火守旱。水星即水災。右入斗一度。去北辰一百二十七度。

漸臺



漸臺四星。屬織女東足。主晷漏律呂陰陽事。

輦道



輦道五星屬織女西足主天子遊宮嬉樂之道也

杵



杵三星在箕南主杵曰春米事星動人失釜籠修耕

大饑荒客守之天下饑北星入箕一度去北辰一百

四十三度

農



農丈人一星在斗南主農官田政司農卿等之職

北方七宿三十五星九十八度七十五分五十秒


斗宿



南斗六星主天子壽命。亦云宰相爵祿之位。巫咸氏云。木星春夏木。秋冬水。一名天斧。二名天闕。三名天機。大明王道和平。將相同心。帝命壽。天下安。暗大臣失位。天下驚。芒角動搖。國失忠臣。天下愁。木守六十日。大臣增壽爵祿。木逆行入魁中。大臣逆。久守兵起。水災。大饑。人相食。火守國。有內變。相輔不安。兵起。火逆行。順守者。及遶城鉤。已將相崩死。國災。火久守國。絕嗣。土星守入斗中。有王者不用兵。昇大位。守之九。十日。兵起。水災。金星守。執法大臣作逆。國亂。兵起。有。

救火金星俱入斗中名曰鑠必有臣子逆久留遲火
經過速出者禍難速平水星守水災火入斗兵起於
吳越人大饑守客有兵絕道卒有大水賊盜多亂喪
弟攻兄子殺父或主崩米貴久守國絕嗣客守第二
星大水人相食客赤色入斗中兵起軍將死日月人
斗大臣失位或被戮若斗中蝕者日帝惡月后惡暈
圍斗之分入流千里江池丹楊越廬洪地等應也

天泉



天泉十星在鼈東一曰大海主灌溉溝渠之事也

織女



織女三星在天市東端天女主瓜果絲帛收藏珍寶
及女變明大天下平和常以七月一月六七日見東
方色赤精明女功善一星主兵起女人爲役常向扶
匡卽善不向則絲帛倍貴火星守布帛貴兵起十年
乃息公主憂客守絲帛等貴入口二十七度去北辰
五十二度也


牽牛



牽牛六星主關梁上星主道路中主牛木星春夏木
秋冬火中央火星爲政始日月五星行起於此皆携
星遠漢天下牛貴明亦貴暗小賊入漢中牛疫死直
米穀價平曲米貴失常色牛多死穀不成木星守天
下和平久守水災人凍死米貴賣子虎害人臣謀主
木逆久守有水道不通火星守老臣逆牛貴十倍人
相食兵起將軍死大水災津梁不通土星守臣謀主
君有失位臣金星守地氣泄兵起至城天下人多死
水守辰星常以冬朝牽牛若不朝來年五穀不熟大

水損害客守二十日兵起，彗孛行牛中，吳越有自王者，彗出牛中七十日，有政更像虹蜺出牛，必有壞城。臨淮月暈圍牛，損小兒災變也。八度，八月昏中氏中，去北辰一百十度。

扶匡



扶匡七星在天柱東，主桑蠶之事。

天鷄



天鷄二星在狗國北，主異鳥。火星守，兵起，土守，人饑。

相食流亡

河鼓



河鼓三星中大星為大將軍左星為左將軍右為右將軍星直吉為羽軍幹能曲即凶為失計奪勢左右旗各九星並在牛北枕河主軍鼓達者聲音設守險以旗表亡動兵起左旗黑色主陰幽之處備警急之事河鼓有芒角為將軍雄強百盛也

天桴



天桴四星在左旗南北列主漏刻天桴若暗漏刻失


時明則得所吉

九坎



九坎九星在牛南主溝渠水泉流通明災起暗吉五
星守及犯之水泛溢西入斗四度去北辰一百二十
六度

天田



天田九星在牛東南主畿內田苗之職

羅堰

羅堰二星在牛東星不明暗吉大明馬被水淹浸

女宿



須女四星主布帛為珍寶藏一名婺女天女水星春
夏水秋冬火大明女功有就天下甚熱小暗天下不
足庫藏空虛日月蝕女中天下女功不為邦憂患木
星守歲多水有喜女主人多凍死火星守產婦多死
布帛貴蒙土星守人相嫉惡有錢人暴貴存女喪金
星守臣下謀主兵起人多死女多寡府藏出珍帛水


星守有水災萬物不成布帛貴客守諸侯進妓女布
 絹貴有女暴貴彗孛行犯國兵起女亂常海西郡婺
 州台州等月暈圍主女死也十二月日在此二月旦
 中西星去北辰一百六度

離珠



離珠五星在女北主藏府以御後宮移則亂西入女
 一度去北辰九十四度也

瓜瓠



瓜瓠五星在離珠北，敗瓜五瓜南，星明大熟，主陰謀。後宮天子果園，星不具，搖動有賊害人。木水客星等守魚鹽貴。瓜瓠入女一度，去北辰七十一度。

璃瑜

璃瑜三星，在秦代東南列北，主王餽衣服。

虛宿

虛二星，主廟堂哭泣。金星春夏水，秋冬金，一名辛枹。二名顛頊，三名大卿，亦曰臨官。星欹枕斜，上下不比，則饗祀失禮。木星守昭穆，失序人饑多病。木星與土合。

守名陰陽盡爲大水災魚行人道民流亡不居其處
期三年當大旱赤地千里火星守赤地千里女子多
死萬物不成有土功役天子愁兵久守人饑米貴十
倍土守風雨不時大旱多風米貴金星守臣謀主國
政急兵起殺人流血水星守旱萬物不成客守其
分有災疫若凌犯環遶鉤已國亂彗孛行犯久有兵
入相殺流血如川屍如山大星如半月守各天賊爲
帝主者奉郊廟以銷災齊州日圍虛兵動人饑

越

越一星在婺女之南

鄭

鄭一星在越星南

趙

趙二星在鄭之南

齊

齊二星在越星南

周

周二星在越星東

楚

楚二星在魏星南

燕

燕一星在楚星南

秦

秦二星在周星東南

魏

魏二星在韓星北

韓

韓一星在晉星北

晉


晉一星在代星西北

代

代二星在秦星南

右件星色黑變動流亡五星凌犯則其國各當咎也

司非 司危 司祿 司命



司命司祿司危司非各二星已上在虛北司祿次司

命北司危次司祿北司非次司危北

右各主天下壽命爵祿安泰危敗是非之事。

天津



天津九星在虛北河中主津瀆津梁知窮危通濟度之官。星明動兵起參差米貴星大津不通三河水爲害星移河溢覆赤氣入之旱災黃白氣入天子有令德火星守天下大亂及旱西入牛二度去北辰四十度也。

危宿

危三星主宮室祭祀土星春夏水秋冬火動而暗天
子宮室土功事興

墳



墳墓四星在危下主山陵悲慘事暗失本位小不見
則山陵毀梓宮剝割事也日月蝕危中主宮殿崩陷
大臣殺天下作逆木星守祀不敬天子別造宮室土
火守人多役死不葬歲儉南方有兵久守東大兵逆
國敗政人饑旱米貴十倍土星守土功起旱損急兵

金星守、罷兵將軍喜慶、水星守、臣下亂謀、敗破被刑、
 法官有憂、國有水災、日月五星入、天下亂來年大饑、
 客守、王侯主國政事、米貴、彗孛行、犯國、返兵起、流星
 入、天下不安、近半年、遠三年、蔡州太原郡月暈圍色、
 人多病、

室宿



營室二星、主軍糧、離宮上六星、主隱藏、木星春夏火、
 秋冬水、一名宮、二名室、明國昌、動搖兵出起、日蝕室

中王自將出征不伏月蝕歲饑百姓絕種上六星名
離宮主六宮妃后位爲掖求卷若危乘守入城鉤已
環遶左右逆行往來於宮者爲妃后廢黜或主崩后
黨被誅或宮女外通以時占之木星守在南東有善
事北卽憂西米貴火星守將軍凶久守成鉤已者主
失官位大臣陰謀憂旱米貴十倍大臣作逆守經二
十日已上至久九十日臣亂殺君篡位天子惡之土
星守主陰造官室起土功將軍益封金星守兵革散
久守軍兵滿野水星守水災民爲主欲敗亡候之不

出四十、客守有軍出、失兵法、主民得地、人米貴、人散、
 彗孛星出、天下亂、國易政、卒爲績、廣政、彗孛犯之前、
 起兵者爲弱、亦不守、鬪戰必敗、淫衛甘秦州、月暈圍、
 室壁、下人謀成起、謀不成、婦兒多病死者、應之時、取
 占之應也、

奚仲




奚仲四星、在天津北、帝王東宮之官也、

鈎



鈞九星在造父西河中星移主地動之應也

車府



車府七星在天津東近河主官車之府也

哭

哭二星在虛南主死哭之事

泣

泣二星在哭星東已上並主死悲泣之事

造父



造父五星，在傳舍南，主御女之官，則馬貴。

蓋屋



蓋屋二星，在危宿之南，主官室之事也。

虛梁



虛梁四星，在危南，主國陵寢廟，非人居處。

天壘



天壘十三星，如貫索狀，在哭泣之南，主北夷丁零匈奴之事也。

敗臼



敗白四星在虛危南主政治如哭泣亡人賣釜餽出鄉宅客守人亂西南入女十三度去北辰一百三十一度

人星



人五星在危北主天下百姓亡官有詐偽作詔勅之人為婦人凶亂者也

杵臼



杵臼星在人傍主春軍糧曰四星在杵下若杵臼木相當軍事饑曰仰歲熟豐傾覆大饑也

土吏




土吏三星在室西南主備設司過農事

天錢



天錢十星在虛梁南主錢財庫聚天下財物庸調之輩司今左右庫藏是也

騰蛇



騰蛇二十三星在室北枕河主水蟲暗國安移南大旱移北大水客守水災頭入室一度去北辰五十度

也。

天海



天海十星在壁西南五星及客守之水涌溢浸溺人

邑。

雷電



雷電六星在室西南主興雷電也。

雲雨



雲雨四星在雷電東主雨澤萬物成之。

霹靂



霹靂五星。在雲雨北。主天威擊擘萬物。

北落

北落師門一星。在羽林軍西。主候兵。星明大而角軍兵妄小暗天下兵。五星犯。兵起。金水木星守尤甚。木土犯吉。火星守人兵羽不可固國。殘朝亡。入危九度去北辰一百二十度。

天剛

天剛二星在北落西南。主天繩張漫野宿所用也。

八魁



八魁九星在北落東南主獸之官五星及客守之兵起金火星守尤凶甚

鉄鑊



鉄鑊三星在八魁西北一名斧鉞主斬刈亂行誅誑詐偽入暗吉移處兵起

壁宿




東壁二星主文章圖書也土星春夏金秋冬土一名天術失色大小不同天子將封鄙土而失天下過日蝕壁中國不用賢士失文字月蝕壁中大臣憂文者死

木星守五經仕人被用。朝廷興。火星守大臣謀君。歲旱不熟。米貴不顯。內外勝政。兵起。上星守久。賢臣國用文章道術興行。國君延壽。天下豐熟。大平。火星入中街。君崩。五日則相薨。若不死則流散。土星守逆行入壁。萬物不成。守經九十日已上。大兵起。百姓有立王者。金星守。天下不通。王者急刑罰。有兵。大臣憂。水守水災。道不通。客守多風雨。及水災。臣下賊王者。政刑事內明通。明有政事。內清。月暈壁。其久。國亂。彗孛行犯。兵起。火守。火災。太廟門。天下有兼并者。辟明王。

道輿有君子在位。星暗王道衰。人得用武。蘭涼衛州等分也。

羽林



羽林軍星四十五星。壘辟十二星。並在室南。主翊衛天子之軍。入安飛將星。欲威明天下安。星暗兵盡失。西入室五度。去北辰一百二十三度也。

王良



王良五星。在奎北河中。爲御馬官。漢中四星。天駟旁一星名王良。主疾及路。爲天橋。主急兵也。星不具。津河不通。移向四方。隨方有兵起也。

策

策一星。在王良前。爲天子僕。策御馬。占云。王良策馬。軍騎滿野。大兵起。火守良。兵起。明則馬賤。暗卽馬貴。西入壁半度。去北辰四十二度。

土公

土公二星。在壁南。主營造宮室。起土之官等類也。

廡



天廡十星在壁北主天子馬坊廡苑之官也



右星經一卷。原本題漢甘公石申著。文獻通考亦作甘石星經。按史記天官書總論。昔之傳天數者在齊甘公。魏石申。徐廣注。甘公名德本。是魯人。正義引七錄云。甘公楚人。戰國時作天文星占八卷。石申魏人。戰國時作天文八卷。明二人各撰有星經。不得以甘石合稱。且非漢人也。前漢書天文志於歲星及太歲在某支下。俱並載甘氏石氏說明。二家占候。各有不同。史記索隱於天官書歲星監德及天棊星下。引漢志亦已分別言之。則二家書

之不得混而爲一、抑又明矣。今旣不辨爲何人所作、卽以甘石並稱亦可。但據通考、晁氏說甘石星經、是以日月五星三垣二十八舍、恒星圖象次舍、有占訣以候休咎、乃考後漢郎顛所上封事、引石氏經、歲星出左有年、出右無年。又後漢天文志注、引星經、歲星主泰山、徐州、青州、兗州、莢惑主霍山、揚州、荊州、交州、鎮星主嵩高山、豫州、太白山、華山、涼州、雍州、益州、辰星主恒山、冀州、幽州、并州、今皆不見此文、并無一言及五星者。又豈皆在原缺文。

中耶、唐志又有石氏星經簿讚一卷、館閣書目以
其有徐穎、婺吉州名、疑後人附益、陳振孫云、此書
明言依甘石巫咸氏、則非專石申書也、然則此書
中有徐穎定、冀宋汴江池等州、又母乃卽石氏星
經簿讚耶、大抵諸星占書、莫精於甘石、而諸史天
文志注、又多引石氏經、能就此經、按五星三垣二
十八舍恒星、更加附益、而以石氏主名、斯爲得之、
汝上王謨識、

明倫彙編

家範典

卷之四

第...頁

...

...

十八日... ...

文... ...

...

...

...

...

...



星 象 考

古詩云
木馬鳴
木馬鳴
木馬鳴

鄒 淮 著

本館據學海類編
本排印初編各叢
書僅有此本

星象考

宋 鄒 淮 著

古今星象之書。巫咸、甘德、石申所記。司馬遷、班固所注。既已不同。而張衡靈憲。中外官常明者一百二十。可名者三百二十。爲星二千五百。微星之數。萬一千五百二十。今往往失其傳。三國時。吳太史令陳卓。始備列巫咸、甘德、石申三家之星。總二百八十三星。爲一千四百六十四星。後雖有知者。如張子信、李淳風之徒。亦不敢妄注。一、二于其閒矣。且以三家星言之。雖曰近日而隱。遠日而顯。然皆不離其次。居中如轂。偏入于列舍者。紫微垣也。散之于外如輻。而翼于垣者。二十八舍也。起翼之初度。盡軫之末度者。少微垣也。西離于氏。東入于斗者。天市垣也。其他雜星。皆在紫微垣之外。分布于列舍之閒。在赤道內者。謂之中官。在赤道外者。謂之外官。星名既異。去極不同。入宿亦別。或象天官。或象庶物。或主人君。或主后妃。或主太子。或四夷。其詳雖各載之本篇。其大略可得而舉。石申紫微垣。東藩左。驂樞上。宰少宰上。弼少弼上。衛少衛上。丞西藩。右。驂樞少尉。上輔少輔。上衛少衛。少丞北極。北斗輔星。鈞陳天一。太一天槍。相天。牢太陽守文昌。天棊閣道。共一十三坐。計六十四星。太微垣內。屏五帝坐。郎位常。陳郎將。共六坐。計四十二星。天市垣。帝坐。候宗。正宗。人宗。星官者。斗共八坐。計四十一星。列舍二十八宿。并附宮鈞鈴神宮墳墓。離宮附耳。鉞左右轄。共三十五坐。計一百八十二星。中官攝提大角。天戈招搖七公。栝河天紀貫索織女。女牀。

右旗河鼓天津匏瓜騰蛇王良附路天大將軍火陵天船天廩卷舌參旗五車天關五諸侯積水水位北
河南河積薪三台軒轅少微共三十四坐計二百三星外官西咸騎宮積卒東咸龜天江傳說魚杵天弁
建籠九坎離珠壁壘陳敗舊北落師門羽林軍士司空天倉天困天苑玉井屏廁矢軍市野雞老人狼弧
矢天稷長沙南門庫樓平星共三十六坐計二百二十七星竝用赤記甘德紫微垣四輔天皇火帝天柱
女史柱史尙書陰德天牀內廚五帝內坐華蓋杠六甲傳舍天廚扶箱三公天理勢內階策八穀共二十
一坐計一百二星太微垣太子從官幸臣三公九卿內五諸侯謁者共七坐計一十五星天市垣斛市樓
二坐計十星中官天田平道周鼎亢池帝席天乳漸臺輦道左旗敗瓜司危司非司祿車府人白杵上工
吏造父雷電土公外屏右更軍南門左更積尸天阿積水月礪石天讒天街諸王天節天高天潢咸池司
怪水府座旗四瀆關丘天罇燿酒旗內平靈臺明堂進賢共四十九坐計一百七十九星外官析威車騎
騎陳將軍陳車日糠農丈人狗天雞狗國天田羅堰哭司命蓋屋泣霹靂雲雨八魁天溷鐵鎖天庾芻藁
九州殊口天園九游軍井文人子孫天社天狗外廚天記太廟東甌器府青丘天門共三十九坐計二百
十五星竝用墨記巫咸紫微垣大理御女三師句陳共四坐計一十八星太微垣虎賁一星天市垣帛度
屠肆別肆車肆共四坐計八星中官奚仲天廡天陰太尊常垣共五坐計二十四星外官陽門頓頑天輻
從官鍵閉罰天籥天淵天桴十二諸國離瑜天壘城天錢天綱虛梁斧鉞天相軍門土司空共一十九坐
計九十三星竝用黃記其閒又有名同而所記之色不同所記之色同而星數多寡之或異者兩三公各

三星一在紫微垣外坐開陽之下黑記一在太微垣之內黑記兩土司空一在翼宿度內四星黃記一在奎宿度內一星赤記兩太子各一星一在太微垣之內黑記一在紫微垣北極之下赤記兩從官一在太微垣之內一星黑記三在房宿度內二星黃記兩天田一在角宿度內二星一在牛宿度內九星竝黑記兩積水各一星一在昴宿度內黑記一在井宿度內赤記兩御女一在權星之下一星赤記一在紫微垣之內四星黃記兩杵各三星一在箕宿度內赤記一在危宿度內黑記韓楚周秦鄭晉魏趙齊燕天市垣與十二諸國名同而所記之色不同其餘所不著者皆爲無名之星自三國至國朝竝遵用之皇祐所測與崇甯所測有其閒有分抄不同者竝從崇甯爲準云

淮以進士提領造歷所演算歷書其所撰載如此余所收天文書雖不能無少異而大略則不異也余本有三家星歌及李淳風乾象賦余琇爲之注甚詳密可愛此所述分三垣內外官而類之有條不紊不可不記也魏了翁



該 天 經

本館新編
天經

利瑪竇纂

本館據藝海珠塵
本影印初編各叢
書僅有此本

經天該

藝海珠塵

子部天文算術類

南滙 吳 省蘭 泉之輯

介休 范 重榮 實夫校

經天該

利瑪竇纂

利瑪竇西洋歐邏巴人明萬歷間至中國

紫微垣

垣高先論極出地

北向須尋不動處

欲知真極本無星

列宿皆旋斯獨異

近極小星強名極

后宮庶子遙相類

帝星最明太子次

連極五星作斜勢

帝下陰德橫兩烏

極下四輔承四細

勾陳七星中甚明

離極三度認最易

勾陳柄曲勾更曲

勾內微星天皇帝

太子上有無名星

下方左樞上宰備

少宰上弼與少弼

上衛少衛連少丞

其中五位皆朗朗

上下衛丞弼次明

右邊右樞與左對

太乙天乙顯微精

少尉上輔次少輔

上衛少衛共上丞

右弼之內五尙書

一微一顯一潛形

尙書之後小明二

左柱右女皆史稱

上少丞聞曰華蓋
弼外六星名天棊
扶筐四星三晷暗
二巨三小近少弼
六星仰承名天鈎
河中六星名造父
三隅纍纍曰王良
良傍一顆名爲策
三暗下連奎宿角
附路一顆王良下

四黑兩兩遮北門
其曲似斗雜氣星
天廚五星長方形
後有一顆無能名
迤北第三光獨熒
三闇三微錯雜陳
尖角一珠微遼明
策後八星閣道稱
三巨三細與策親
適當壁宿上端停

王良策星并閣道

內有五個光耀均

五顆四在河虛處

一條閣道穿河身

閣道盡處名傳舍

六星隱現斜直形

右下七星名北斗

天槍三星斗柄親

三公三點與槍類

斗柄之傍隱輔星

天理四星斗內隱

三師小星少輔鄰

文昌六星如半月

東角下星光更清

師昌之間名內階

六星微茫兩簇分

八穀九星一最著

已盡紫微垣內星

太微垣

北斗四星南向軫
垣中最鉅五帝座
座前四黑內屏邊
正中稍明爲太子
謁者一黑在屏左
座隅數點名郎位
郎將微星位之左
位上常陳三可見
三公三小與下應
垣北一點太陽守

翼軫之北太微垣
帝傍小星四點攢
座後三小橫斜安
左前幸臣右從官
九卿三點三公三
一簇連輝珠入綿
更與周鼎三小連
二微在上一巨懸
相亦同之斗柄前
太尊天牢守右邊

左垣執法上次相

次上將星五位聯

右垣執法上次將

次上相星亦復然

虎賁一星右垣末

少微曲四虎西肩

長垣亦四曲且暗

上與少微相後先

三點靈臺一稍白

正當上將長垣間

右前三小稱明堂

左外一小名進賢

靈明之際一珠曉

微茫之際難名言

天市垣

房心尾箕宿之北

天市名垣列兩行

中有明星稱帝座

候星一位在其傍

堦下四微名宦者

一顆無名宗之類

前左一細名車肆

後左連二名帛度

宗星二小在帛左

列肆二星右垣內

左垣之星首稱宋

東海徐州越吳齊

右垣之星首稱韓

鄭晉河間與河中

宗正雙星俱竝光

宗人四小入天潢

市樓二小逼河上

屠肆連珠共帛長

上與東齊相頡頏

斗五斛四皆微茫

南海與燕爲雁行

中山九河趙魏疆

楚梁巴蜀秦周鄉

星體微異光皆揚

角

右上圍八名貫索

索上七公首射芒

左北曲九稱天紀

紀上三星號女床

中山之顛名織女

一巨二細三隅張

其左四黑是輦道

道前四顆漸臺方

角宿兩星南最巨

中間平道黑星二

左右九點無名星

天田二小角上對

其頂正向搖光星

角下天門兩黑是

平星兩白不甚平

庫樓七星展屏似

庫內五小名平衡

庫間六小作三柱

樓下馬腹三星明

南門小星當腹處

亢

亢宿四星兩端黑

左邊無名附兩粒

亢上大角懸明珠

角上玄戈與斗直

玄戈斜帶梗河三

惟有南星光欲滴

角東四星左攝提

垂下一星芒熠熠

角西四星右攝提

迤北第三獨異色

角下四小曰亢池

形如方勝欹斜立

亢下遙遙此頓頑

四星微遜陽門白

庫樓東角右來侵

南門最明近南極

氏

氏宿四明側斗形

上與七公明耀對

兩星上與立戈友

索外無名多纍纍

氏下三小陣車是

平三平二皆車騎

無名五點雜來侵

類公北有招搖星

下左復與貫索親

直下正當天市秦

天輻亦與車同輪

一明二暗騎將軍

房

諺傳夏夜有星象

口鼻四星節房宿

儼似巨人冠進賢

二三頗明下闇然

心 尾

當頭一點鈞鈴是
頭上雙星近者曰
冲冠三暗稱爲罰
當腹兩點積卒是

鈴畔一微鍵閉言
冠前曲四是西咸
冠後四黑名東咸
稍前相似名從官

更有心三最明顯

中巨傍微當背肩

接心是尾九點曲
神宮一星尾內坐
天江六點當河隙

卓如衣角飄風前
傳說獨立尾之尖
魚星一黑淨江邊

龜星有五三層見
巨人側身向西北

西去三星河外緣
其上正當天市垣

箕

箕星有四明相等
當前一點糠星黑

大口如箕正向西
何年簸向河之湄

斗

箕北六星名斗宿
斗下曲圍十三點
天淵四微鼈所向
國外雙鳥名曰狗

北斗相方柄不如
形肖其名鼈似龜
狗國小方淵上圍
其傍相似立天雞

牛

斗背六星稱作建

河中九點天弁斜

下五微星若仰盂

兩簷中高若髻堆

牛宿六星大小半

一巨居中上下齊

牛上三星是河鼓

中間一巨三之魁

鼓下四星天桴臥

鼓傍各豎左右旗

左旗曲七星皆小

右旗亦七三揚輝

牛前二小名羅堰

堰上匏瓜五粒珠

匏下五星名敗瓜

一粒等匏餘並微

天津如弓跨河七

二明四小一更欹

天津之下十三小

總屬無名不必疑

女

女宿三微一稍白

非方非斜形不侔

右方數起趙與越

周齊鄭楚燕一流

並周為秦並秦代

晉星方在楚東頭

魏韓相並望齊楚

十星皆晦此舒眸

下為九坎四可見

平衡三白微難求

離瑜三點均且直

坎下四微散不收

虛

虛宿兩星南最明

南下圍三天壘城

危

城下四方壁壘陣

五顆獨有四顆親

壁陣東行十二點

彼端亦作小方形

陣頭之下天錢遠

稀微四點圓難成

錢下二個名敗白

白下雙珠莫可名

虛東一小名司命

司危司非虛上承

人星只有三星確

六星車府射天津

府上騰蛇六圍一

兩尾八星遙對分

危宿三星若磬折

中間一點光微奪

危下微光蓋屋名

屋東三星墳臺接

三個晦明各自異

四小虛梁墓左貼

墓下雙烏哭泣臨

一同土公墳後歇

十二橫遮壘壁南

羽林軍士縱橫列

軍前統御有天綱

北落師門光更烈

危端曰杵四星懸

其南敗曰半邊缺

室

室宿兩個光耀同

無名一個頂上冲

室傍雙星共三座

或小或大皆離宮

雷霆六星惟右大

霹靂曲五半朦朧

雲雨平方四點小

鉄鉞三小羽林中

上頭直與騰蛇接

其下復與火鳥逢

壁

壁宿二明與室似

其上三星圍天廡

廡上一顆附路稱

其中正與玉良對

陣上雙鳥有土公

火鳥十星兩翼細

奎

奎宿十六連勝形

東北一星芒獨異

奎尖上與閣道通

奎下七星外屏樹

屏間五點不甚明

兩個揚輝屏盡處

六個天倉近外屏

天溷四黑倉右附

婁

溷下一明土司空
水委三星南極橫

鈇鑽五小倉前地
其左一星最明巨

婁三不均光甚均
右更左更各五點
當頭數點懸弧似
弧中一派光殊顯
天庾三點天倉下

上疎下密雜星臨
並若懸弧兩翼分
其名總曰大將軍
弧背一黑軍南門
芻稟六星左獨明

胃

胃宿三星聚一隅

無名兩點胃之餘

昴

胃下左更四點小

更東天廩四星除

天困十三圍乙狀

右下三星光頗殊

曲環十六當天苑

北顯南微正背西

更有天園十三點

東征五小勢尤奇

大陵遶八中更朗

當陵之中名積尺

天船雜七與陵背

船中積水看欲無

昴宿七星天讒下

亂落圓珠一簇奇

其上六個名卷舌

天讒一點舌尖居

天阿點附天陰上

天陰五星皆隱微

昂東孤月光如晦
廩困積米堪飽胃

礪石四小拱舌疲
讒阿西去至積尸

畢

畢宿八星如小網
珠邊一顆名附耳
九州珠域畢之南
畢上天街三個斜
五車皆明右最巨
潢傍三柱柱各三
車下橫六名諸王

左角一珠光獨朗
天節九小畢居上
團圓七點依稀像
街上五車截河往
天潢五星小中放
河中細密如指掌
天高四小斜方狀

觜

下垂九點曰參旗

旗下九旂與旗儀

觜宿三小當參上

觜上天關一顆招

司怪四星明晦半

水府相同莫混瞧

參

參宿七星明燭宵

兩肩兩足三爲腰

參伐下垂三四點

玉井四星右足交

玉井下方日軍井

屏星二點井南標

四顆廁星屏左立

屎星一點廁下拋

丈人子孫各連二

老人最巨南望遙

井

井宿八星形似井
旗東五小皆無名
左斜五點五諸侯
河右一顆名積水
河下一微名積薪
水位四小若仰盂
井下四星名四遺
天狼最巨當其南
軍市一白野雞傍

座旗六黑垂其頂
貼旗斜下四星整
其上北河兩明並
河左斜方燿星命
南河似與北河證
上下數顆難考訂
闕邱之一與河映
一矢加弧一矢剩
老人獨向天南燭

弧矢十星儼張弧

內外無名難究竟

鬼

鬼宿四星方似櫃
其下五小為外廚

中間一白積尸氣
五隅五小居其內

柳

柳宿曲八名垂柳
酒旗斜三宿上飄
天狗盤七當其南

其上無名三點繫
其上却與文昌對
天社七橫星頗巨

星

星宿七星大小異

中間一巨首尾細

垂頭曲尾如蝎形
紀下天稷五個星

其下一白名天紀
南隅一顆與紀類

張

張宿六星芒甚小
軒轅大星當其顛
小方內屏轅上居
宿端天相有三星
三台三座上猶明
台北二小名天牢

中如方勝兩角弔
一十六星龍天矯
轅下御女一星杳
向右一顆光頗皎
相與雁行行大道
一點太尊牢左照

翼

軫

翼宿微星二十二

上橫五星下無異

東甌五小在其前

青邱三個翼下寄

邱南馬尾橫三星

上端一個尤明巨

軫宿四珠不等方

長沙一黑中間藏

左右二轄肩之附

一顆無名南向光

